

٢ - حَدَّثَنَا مُسَدَّدُ بْنُ مُسْرَهْدٍ حَدَّثَنَا عَيْسَى بْنُ يُونُسَ أَخْبَرَنَا إِسْمَاعِيلُ بْنُ عَبْدِ الْمَلِكِ عَنْ أَبِي الرَّثِيئِرِ عَنْ جَابِرِ بْنِ عَبْدِ اللَّهِ أَنَّ النَّبِيَّ صَلَّى اللَّهُ عَلَيْهِ وَسَلَّمَ كَانَ إِذَا أَرَادَ الْبَرَارَ انْطَلَقَ حَتَّى لَا يَرَاهُ أَحَدٌ.

2 - Musaddad bin Musarhad⁹ meriwayatkan kepada kami, katanya: Isa bin Yunus¹⁰ meriwayatkan kepada kami, katanya: Isma'il bin Abdil Malik¹¹

orang lain. 'Urwah, A'raj, asy-Sya'bi, az-Zuhri dan anaknya sendiri yang bernama 'Umar adalah antara orang yang meriwayatkan hadits daripadanya. Menurut kebanyakan ahli sejarah, Abu Salamah meninggal dunia pada tahun ke-94 Hijrah. Al-Fallās pula berkata pada tahun 104 Hijrah.

⁷ Bin Abi 'Aamir bin Mas'ud bin al-Mu'attab ats-Tsaqafi, salah seorang sahabat Nabi s.a.w. Beliau memeluk Islam sebelum 'umrah Ĥudaibiah dan meninggal dunia pada tahun 50 Hijrah.

⁸ Hadits ini dan hadits-hadits lain seumpamanya menunjukkan antara adab bagi orang yang hendak qadha' hajat (membuang air besar khususnya) ialah menjauhkan dirinya daripada orang ramai, sehingga ia tidak kelihatan kepada mereka dan tidak kedengaran pula bunyi apa yang terkeluar dari duburnya. Dalam keadaan tempat membuang air betul-betul tertutup, sekira-kira tidak akan terdengar lagi apa-apa bunyi yang tidak enak didengar, boleh juga membuang air di situ meskipun tidak jauh.

Jadi maksud sebenar contoh yang ditunjukkan oleh Nabi s.a.w. melalui hadits ini dengan pergi jauh-jauh apabila hendak membuang air itu ialah supaya diri orang yang membuang air tidak kelihatan dan bunyi yang tidak mengenakkan ketika buang air juga tidak kedengaran.

Hadits ini bertaraf ḥasan. Selain Abu Daud, hadits ini diriwayatkan juga oleh at-Tirmidzi, an-Nasaa'i, Ibnu Majah, ad-Daarimi, Ahmad, Ibnu Khuzaimah, al-Baihaqi dan al-Haakim. Tirmidzi mengatakan hadits ini ḥasan sahih. Ibnu Khuzaimah mensahihkannya. Al-Haakim pula mengatakan ia menepati syarat Muslim dan keputusannya itu dipersetujui Imam adz-Dzahabi.

⁹ Beliau ialah Musaddad bin Musarhad bin Musarbal bin Mura'bal bin Arandal bin Sarandal bin Gharandal bin Masak bin Mustaurid al-Asadi. Kuniah Musaddad ialah Abul Ḥasan. Ibnu al-Jauzi dan lain-lain mengatakan, Musaddad dan Musarhad itu adalah gelaran mereka. Nama sebenar Musaddad ialah 'Abdul Malik dan nama sebenar Musarhad ialah 'Abdul 'Azīz.

Musaddad meriwayatkan ḥadīths daripada Ḥammād bin Zaid, Ibnu 'Uyainah, Yahya bin Sa'id al-Qatthān, Husyaim, Abu 'Awānah, Juwairiah bin Asmā' dan lain-lain. Orang-orang yang meriwayatkan ḥadīths daripada beliau pula ialah tokoh-tokoh seperti Imam Bukhāri, Abu Ḥātim ar-Rāzi, Abu Daud, Muḥammad bin Yahya adz-Dzuhli, Abu Zur'ah, Isma'il bin Ishāq.

meriwayatkan kepada kami daripada Abi az-Zubair¹² daripada Jabir bin Abdillah¹³ bahawa Nabi s.a.w. apabila hendak buang air (besar), akan pergi (jauh) sehingga tidak ada seorang pun nampak Baginda.¹⁴

Musaddad adalah perawi tsiqah, teguh, hujjah lagi hāfīzh. Di Bashrah beliau orang yang mula-mula sekali menulis kitab 'Musnad'. Di dalam Kutub Sittah tidak ada perawi bernama Musaddad selain beliau. Musaddad meninggal dunia pada bulan Ramadhan tahun 228 Hijrah.

¹⁰ bin Abi Ishaq as-Sabī'i, Abu 'Amar al-Kufi, tinggal di Syam, salah seorang tokoh 'ulama', tsiqah, ma'mūn (perawi yang aman riwayatnya), perawi dari thabaqah ke-8. 'Isa bin Yunus meninggal dunia pada tahun 191 Hijrah atau 187 Hijrah.

¹¹ bin Abi as-Shufair sebagaimana tersebut di dalam at-Taqrīb dan al-Mughni, atau as-Shu'air sebagaimana tersebut di dalam al-Khulāshah, Abu 'Abdīl Malik al-Kufi, kemudian al-Makki. Kata al-Bukhari tentangnya, boleh ditulis haditsnya. Ibnu Mahdi meninggalkannya, seorang yang tidak baik ingatan dan buruk pula fahamannya, dia menterbalikkan apa yang diriwayatkannya. Kata Ibnu al-Jārūd dan as-Sāji, tidak kuat. Imam Ahmad dan Ibnu al-'Ammār pula mengatakan ia dha'if.

¹² Muhammad bin Muslim bin Tadrus al-Asadi al-Makki, Maula Ḥakīm bin Ḥizām al-Qurasyi al-Asadi. Imam Muslim, Tirmidzi, Abu Daud, Nasaa'i dan Ibnu Majah meriwayatkan haditsnya. Imam Bukhari hanya meriwayatkan haditsnya sebagai mutāba'ah. Syu'bah adalah antara tokoh yang mempertikaikannya. Asy-Syafi'e mengatakan, Abu az-Zubair memerlukan topang (penyangga / penyokong). Demikianlah ia dipertikaikan oleh sebahagian 'ulama'. tetapi kebanyakan 'ulama' mengatakan beliau tsiqah. Kata Ya'la bin 'Athā', Abu az-Zubair meriwayatkan kepada kami, dia seorang yang paling sempurna akal dan paling kuat ingatan. 'Athā' berkata, Abu az-Zubair adalah seorang yang paling banyak hafal hadits di kalangan kami. Ibnu Ma'īn, an-Nasaa'i dan lain-lain mengatakan Abu az-Zubair seorang perawi tsiqah. Ibnu al-Madīni pula berkata, Abu az-Zubair seorang perawi tsiqah lagi teguh. Kesimpulannya ialah Abu az-Zubair adalah seorang perawi yang dipertikaikan oleh para 'ulama' hadits. Sebahagian muḥadditsīn mentajrīhkannya. Sementara kebanyakan mereka pula mentsiqahkannya, walaupun dia juga terkenal sebagai seorang mudallis. Abu az-Zubair meninggal dunia pada tahun 128 Hijrah.

¹³ Nama penuh dan keturunan beliau ialah Jābir bin 'Abdillāh bin 'Amar bin Ḥarām bin 'Amar bin Sawād bin Salimah al-Khazraji al-Anshāri al-Madani. Kuntiah beliau ialah Abu 'Abdillāh atau Abu 'Abdir Raḥmān atau Abu Muḥammad. Jābir bin 'Abdillāh adalah salah seorang Shahābat utama Nabi s.a.w. Beliau terbilang sebagai salah seorang daripada enam orang Shahābat yang banyak meriwayatkan ḥadīth Rasulullah s.a.w. Beliau telah meriwayatkan sebanyak satu ribu lima ratus empat puluh (1,540) ḥadīth daripada Rasulullah s.a.w. Lima puluh lapan daripadanya disepakati Bukhāri dan Muslim. Dua puluh enam daripadanya hanya diriwayatkan oleh Bukhāri dan satu ratus dua puluh enam daripadanya pula hanya diriwayatkan oleh Muslim. Ibu Jābir bernama Nusaibah binti 'Uqbah bin 'Adi. Jābir bin 'Abdillāh